

力思惟人身以無央數衆惡瑕穢荒亂衆力不得久存供養於此懶悞蛇蛻因由邪行曉了如此是爲信力若速沉沒苦痛之患衆惱

並至此則爲是死生之義觀察佛法是精進

力假使心變在於不善終不聽從心亦不隨聲聞緣覺又心不隨塵欲貪嫉心亦不從毀

戒惡智是爲意力若入法慧分別慧句入於宣暢體解之慧過去當來今現在慧是爲智力歡樂爲信相不退精進相觀爲意相曉了爲智相行於信力不捨進力不失意力修智慧力爲人說法應病與藥曉了墨礙則爲篤信度諸墨礙而爲精進無所復著是名曰意

而審曉礙則爲智慧好喜佛法興于篤信以

興篤信即發道意是爲信力奉修衆行合集

積累道品之法是精進力柔順法忍則爲意力設使速得無所從生法忍是則智力信根爲信力進根爲精進力意根爲意力禪思伏根大聖達根靡不周至是智慧力佛說是時

八千菩薩逮得無所從生法忍四萬二千人皆發無上正真道意

十一

無言童子經卷上

殷五

羅閱音悅別云舍衛國下有胎也顯額下自搖反妙上尺朱瞻怕上徒敢反下足白反恐懼其下

野馬音一飛所湊倉奏反孕余謐反下使
種稷音即五腐朽上音父龍悞上魯反
蛇蛻音反憲獻音反

野馬一飛所湊倉奏反孕余謐反下使
種稷音即五腐朽上音父龍悞上魯反
蛇蛻音反憲獻音反

無言童子經卷下

殷六

西晉三藏竺法護譯

尔時會中有一菩薩名蓮華淨問無言菩薩如族姓子屬者興意白問如來寧見答解及微妙行如受法染可悅心乎無言答曰惟族姓子吾始以來未曾問法亦無所受當以何緣

而致法染可染心耶曰族姓子仁為不曾因於如來聽受法乎答曰不也又問何故答曰非其器故又問仁於講法為非器乎答曰如是又問仁何所器答曰吾於諸法之類而為非器無復奇異又問族姓子若為非器何因當遠無上正真之道成最正覺答曰道者非為法器又問察其道者非佛法器乎答曰假使其道離佛法者佛法非器又其道者不離佛法又計佛法則為是道又其道者則為佛法故族姓子吾不欲令諸佛道法離於塵勞常不志道況樂佛法離於道乎所以者何有佛法者不離塵勞又其塵勞不離於道覺了欲塵則名曰道吾以是故不計我所不別佛道其異意者各各計別不當異處而求道也假使有人於異處求此等諸異設復有人無有異求不以為別又問以何為異答曰謂吾我別與道不同是名曰異謂四大異我人壽命而心意異姓怒癡異是謂為異若能曉了

吾我自然本末清淨道者自然本末清淨乃謂無異我人壽命姓怒癡自然清淨道亦自然究竟清淨乃謂無異假使異者不可求異則當於此四大之身於吾我中求一切法如是求者求無所得設無所得不造所著無所著者則無處所一切諸法悉無所住無有

本際設無本際則真本際以真本際無斷絕際不計當際無有限際無無量際一切諸法本際如是若入此際則不有念亦不無念不在生死亦不滅度究竟滅度了一切法若以此法而滅度者則遠寂然諸不滅度令得滅度如世尊白不能調已不寂滅脫而不墮教不得滅度欲開化人令得滅度未之有也其自寂然解脫隨律得度無為能度未度此事如言是菩薩行設使欲得至滅度法輒當遵修菩薩之行則能曉了一切諸行違法界相如是行者便能皆見衆德之本目不復覩諸魔官屬輪跡之行當遵修此合集佛法不失

卷六

三昧如是行者開化衆生宣暢一切諸界度於無我如是行者受一切法皆使塵勞自然悉除如是行者雖行於世不著方俗如是行者執持五陰不住於識如是行者受諸四大立於法界而不動搖如是行者攝於諸入致解脫門如是行者所現諸界而度無極獨步大猷入於三界示現塵勞而無垢穢如是行者施度無極不想無極亦無所住戒忍精進一心智慧慧度無極不想智慧亦無所住如是行者不捨衆行所修審諦究竟清淨如是行者修菩薩行所可遵習道無若干行菩薩者則無有二無有二者乃菩薩行行菩薩道無有五只我及與我所不計有身亦無所受乃菩薩行其修道者無有結滯除諸穢廢乃爲菩薩其修道者不患危害覺了分別無會無爲乃爲菩薩又問何謂正号爲菩薩平答曰爲不曉了道義者故因曰菩薩順從道教興發寂然不毀佛教奉持法言將護聖衆而於

道心則不動轉心不住於聲聞緣覺不亂淨性而不宣說無稱之辭究竟要誓度諸未度安諸不安諸不滅度令得滅度受持塵勞不墮無欲觀於無生所生而審觀於空無將濟群生觀於無相不想著道行於無願隨俗而生求於佛身不爲衆欲之所霑染觀於有爲覺了所會亦無所失而不愚顛得世間慧執智兵仗降五陰賊六衰之難開化憍慢施自莊嚴嚴淨佛土戒莊嚴心所願具足被忍辱鎧教授瞋恚精進堅強能成就已猶如金剛處於憤亂至執禪定而無所著智慧明了而不惡獸所生之穢行權方便所在一切推極道原修于慈心安詳柔和發起衆生行于大悲見於衆生未得度者撫育使安遵修行喜常爲無依今護諸根行於護觀不永寂滅修於觀也遵承深奧難及之事聲聞緣覺所不能逮念本義藏不思卅典多所將順一切群生莊嚴其身以相飾姿莊嚴其口言行相應

莊嚴其心不捨道意神通娛樂普能示現一切所住持心如地一切衆生之所戴仰洗一切若譬若如水燒蕉一切艱難裹入譬若如火心猶若風無有惱熱遊步無礙心如虛空未曾想著一切諸法逮得摠持一切所聞識念不忘辯才具足可悅衆生歡然解釋而爲

諸佛之所建立能自修心則令清淨順于法界曉了四食不想諸應感儀禮節清修己身威儀禮節經路清淨爲修正業行步進止具足成就而修空行樂於閑居開化衆生而不穢狀於諸聚會樂于禪思不患其意未曾貧匱備悉一切諸賢聖財修於祠祀伏弊惡心遊曠野者修于堅強其心剛毅不可毀壞遵行仁慈究竟滅度身順返復而不虛盡往宿德本志常隨順報前所由念行思好爲衆生故所學精勤選擇舉要勸化無智所修善業無煩惱熟悉能分別行于大哀一切普遊違于三乘不懷狐疑於一切法衆所瞻察所問

能答靡不戴仰辯才無礙莫不受言本願所立明說和雅所至到處靡不歡悅所語隨時未曾失節功勳布施人所欽仰如月盛滿志性柔和辭無麁纊得對能忍諸根不悴善修其意等度往來猶如橋梁度脫衆生於四駛水譬如今大船亦如導師將導一切諸行來者

般入四

常生救濟一切異學爲衆群黎興立佛法故曰菩薩而不退轉如是衆行及餘德勲不可思議具足道慧乃謂菩薩於是蓮華淨菩薩白佛言雖然世尊今我觀察無言菩薩智慧辯才宣暢道教如是不久當成無上正真之道爲最正覺當轉弘廣無上法輪若復有人得聞無言菩薩所說信樂愛敬順而不訕不久亦當具足致此功德之法佛言如是如汝所言誠無有異無言菩薩遠得慧明三昧發意之頃以一句法於百千劫分別說之義不可盡蓮華淨菩薩復白佛言善哉世尊愍傷我等及此衆會宿之本德衆人雲集爲經典

故當今莊嚴惟願如來至真等正覺敷演說此慧明三昧若有善薩得聞此教悉當逮得慧明三昧設有受者多所將濟一切群生疾成無上正真之道爲最正覺佛告蓮華淨菩薩諦聽善思當爲汝說慧明三昧善哉世尊願樂欲聞蓮華淨菩薩受教而聽佛言族姓子所云慧明聖曜之謂所以名曰慧明聖曜者何蠲除衆覆弊結垢闇通過諸礙離於穢濁莊若之謂故曰慧明三昧解法無二所觀明徹無有猶豫慧無有侶不戴仰人滅衆瑕疵卒發尋對分別滅度曉了一慧解暢過去當來現在三世之慧嚴淨三場明識三界體

五
四六

三脫門通三達智廣布三寶暢示三乘淨於三眼毀三垢本明三峻聚決定未定處邪此謂三峻聚也識暢入於心意識中分別陰種諸入之事覺了因緣和合報應斷不調定沉疑邪見解知法界能說本無審如本際最上第一方便至聖明識一切文字音響其所入

處若崇講說言無所帶辯才無礙莫能制止若敷演法無能抑者知識一切諸根各異決斷柔劣中容之原有明無明入於三教執持所應入於摠持頒宣光暉歸趣日行三昧無量頌三昧分別宣暢金剛道場三昧如金剛三昧覺無瞋三昧意勇三昧降除魔場三昧日光明三昧曜靡不照無境界三昧慧無齊限入無想念幢英至三昧淳淑親近一切諸法照明華三昧放無量光入音三昧了別一切音聲所趣德事三昧普能示現一切功勳善住三昧知一切法所立之處光曜三昧等入一切衆生之心盡尊王三昧分別諸法一切悉盡無住三昧了衆平等無恚三昧一切諸法究竟求無無動三昧不著諸法鉤鑽三昧開化諸見超表三昧於一切慧無所蔽礙佛言族姓子如是等類六萬三昧吾於往昔見錠光佛而見受決尋時逮得此諸三昧又計於此六萬三昧門皆來入於慧明三昧慧

明三昧則爲元首入於此中乃致大明佛告族姓子如日宮殿照於水中顯現未曾興立四事何謂爲四滅除一切闇冥蔽礙放其光明所照廣遠示現一切諸色形像所當作者皆由是日興業得安慧明三昧亦復如是若有菩薩住此定者現昔未有亦興四事何謂爲四滅除一切塵勞垢穢照曜無量廣遠智慧察見一切衆生心行像貌諸色隨其所學三乘之行各爲指示建立道業佛告族姓子譬如八角大如意珠妙光暉善清淨玄妙無諸瑕垢無有穢惡建於幢首曜四十由旬衆人所志敢有所求皆今得願各各得所不失其

股六

六

僥大如意珠無所受悟若有菩薩得立於此慧明三昧聖智超絕巍巍如是清淨鮮明若如意珠除諸塵勞結穢衆垢住八清淨微妙禁戒三昧之定智慧解脫度知見品誠諦鮮潔善權方便懷持辯才分別忍辱靡所不暢彼以清淨莫能當明離於瑕疵無極大哀以爲大幢照曜一切無量佛土各隨衆生心本所願悉得解釋菩薩如是救濟五趣三處之礙皆至大道亦無想念佛告族姓子譬如虛空虛空無際悉能容受一切佛土執持衆水一切諸火劫燒之時一切衆生無進退處聽其所歸爲作處所虛空之域廣遠玄曠不可限量無所罣礙慧明三昧亦復如是若有菩薩住此定者爲諸衆生一切諸法示導處所無所歸者爲受其歸植衆德本因緣之報開解已心爲無央數一切衆生導示經路教化與眼強於因緣未得解脫永處邪見群萌之類聽示處所假使有人不興德本不返道器不在無本各各開化爲示即器顯發無上正真道意而示聲聞緣覺處所聞吾說法尋受奉行則獲果報聲聞緣覺之所慕乘當爲宣暢曾所志失六典之要令入法門緣是之故諸菩薩衆欲求道者當爲頒宣六度無極四等之恩善權方便勸助指導各各爲暢令心

狀六

歡然使不退轉逮成無上正真之道是爲一切衆生之類開示處所於彼何謂爲一切法示現處所假使菩薩口自敷演八萬四千經典法藏若有衆人心懷狐疑猶豫不決來啓問者菩薩皆常秉志一心一一爲人決其結滯一句之義億百千妙難限劫數普演分別其慧無量玄曠廣遠無所罣礙而不可盡無有邊際是爲一切示法處所佛告族姓子譬喻大炬光明照遠諸有覆蔽暗匿形色悉爲現矣炬之光曜所益如此慧明定意亦復如是若有菩薩住此定者則能以一慧明之心顯示章句十方無量不可計會諸佛國土諸佛菩薩一切衆生莫不覩見亦不違遠志不動移慧明之心所察無邊佛告族姓子慧明之定處於意止見諸法原於四意斷未發意者爲興慧原於諸神足身意寂原而於諸根處聖達原所謂力者云智慧力於覺意法入于慧原所謂道者處正見原寂然觀者觀察

慳怕行真誠者善滅之原其聖諦者善寂慧原所歸念者如義趣原分別道者法義之原神通達者漏盡之原修梵行者興于大哀四等心原一切普念思法之原諸度無極智度無極以爲原首善權方便應衆生心原十種力者知限無限有處無處以此爲原無所畏者曉了平等佛道之原不共法者而於三世無所礙原所言眼者謂佛之眼莊嚴其身眉間頂相無能覩原莊嚴口者頒宣經法無侵損原莊嚴其心行三昧定而不移原是族姓子一切諸法皆以歸趣智慧之原是則名曰慧明三昧一切諸法之原首說是語時蓮華淨菩薩逮得是慧明三昧復有萬菩薩亦逮斯三昧三千大千世界六返震動其大光明普照十方爾時諸來一切衆會諸天人民各各齋華供養散佛於時會中諸菩薩衆志大乘者悉白佛言我等本來未曾得聞此三昧名何況廣解分別義者今所可供世尊之福

願令我等逮是三昧漸漸進行緣是所誓逮此定意必獲無疑吾等善利爲致善慶乃能遭遇聞是三昧若有逮聞於是三昧而歡喜信功祚難限未曾違失菩薩之心亦當不以致此三昧佛言如是如仁所言而無有異無德之人不種善本不能值遇此三昧矣何況

得聞歡喜信者未之有也假使在於善知識邊若隨明師乃能信樂此定意耳佛說是語向欲竟時世尊齊中一菩薩出紫磨金色三十二相莊嚴其身八十種好而飾其姿適出於齊其菩薩身尋即演放巍巍光明無極弘曜皆悉覆蔽一切衆明惟世尊光獨得顯現時彼菩薩稽首佛足右繞七匝則在前住啓白佛言唯然世尊孰慧曜如來至真等正覺敬問無量進止康強遊步輕利力勢安乎使我宣傳問於大聖斯六十億垓數菩薩來詣此會聽說經典奉觀世尊啓首諮詢受又復欲見十方世界大會菩薩無言菩薩智慧辯才

所可宣暢啓受未聞聽是慧明三昧之定惟天中天爲諸菩薩如應說法使逮得是慧明三昧獲致無極大法光曜而數周旋詣此佛土於是舍利弗前問佛言雖然世尊孰慧曜如來至真等正覺爲在何方今寧現出講說法乎去是遠近國土何類并說於此正士名

九

號及六十億垓數菩薩爲何所處佛告舍利弗東方去此江河沙等諸佛國土有世界名住於堅固金剛之根執慧曜如來在於彼土今者現在佛告舍利弗彼之世界何故名曰住於堅固金剛之根其國下地從底至上堅固甚牢不可破壞悉是金剛斯皆其佛本願所致所以者何其佛堅固金剛之行獨步無難及諸菩薩造金剛行勇猛牢固無能壞者已身威力巍巍具足乃如是也假使世界泥土成者則當破壞碎落微散若其有人生彼世界身如金剛皆亦堅固不可破壞是故彼土名曰住於堅固金剛之根又舍利弗卿屬

所問今此菩薩名曰何等号金剛齋此金剛
齋菩薩一發意願通過鐵圍大鐵圍山越江
沙等諸佛國土各各在於江河沙等諸佛齋
出悉是諸佛威神功德之所建立亦復是已
六通之慧神足之力是故菩薩号金剛齋又
舍利弗向者復問六十億垓諸菩薩衆爲處
何所卿當以此問於正士爲汝發遣賢者舍
利弗問金剛齋菩薩惟族姓子六十億垓諸
菩薩衆爲住何所金剛齋答曰佛歎者昔年智
慧最尊賢者舍利弗以智慧眼推索本末此諸
菩薩爲何所住時舍利弗以聖慧眼周遍普
求諸菩薩等不知所在金剛齋菩薩答曰尊
者舍利弗自有等類同學志脫令求所在即
舍利弗謂阿那律佛歎者星天眼最尊求其
所在時阿那律則以天眼清淨之目超越天
人於是三千大千世界遍察求之如觀掌中
果及寶珠索諸菩薩求不能知亦復不見之
所住處賢者阿那律報舍利弗五口普推索求

不能知此諸菩薩爲何所處金剛齋菩薩謂
舍利弗諸賢者等但有肉眼不可復言謂有
天眼云何思惟共三昧禪遍觀諸國而不覩
見諸國而不覩諸菩薩衆爲何所住舍利弗
問仁族姓子天眼何類謂我等輩所未見焉
金剛齋曰惟舍利弗我之天眼未曾見色舍
利弗等及衆弟子諸大聲聞從本以來不能
現我天眼之德爲何等類亦無能當巍巍之
明舍利弗又問族姓子說所見形像爲何等
類而言我等本來未覩金剛齋曰者年曾見
住於堅固金剛世界及執慧曜如來至真舍
利弗答曰今日造聞彼世界名何因得見金
剛齋曰惟舍利弗如是等類不可稱計諸佛
國土及衆菩薩人民衆生各各異趣所生不
同菩薩大士則以天眼皆悉見之無有遺脫
而不遍者一切緣覺雖有天眼所不能覩何
況聲聞而能及見乎說是語時有六萬人曾
求聲聞緣一覺乘歡然大悅尋發無上正真

道意同時發聲而嗟嘆言今吾等身得佛法
眼不用聲聞及緣一覺之天眼也蔭蔽星礙
佛之法眼無有限齊亦無所礙於是金剛齊
菩薩即如其像三昧正受建立感應而現神
足佛之聖旨金剛齊菩薩威德之變宿福善
本巍巍之力不可稱限普令一切諸來會者

皆共目見六十億垓諸菩薩衆在於佛身各
處蓮華結跏趺坐又手聽經不近佛身亦復
不遠皆是如來弘恩無極之感應也又世尊
身不增不減無所罣礙悉現如故若前不損
一切衆會驚喜踊躍得未曾有一心又手禮
佛而立各各歎言難及難及諸佛世尊身形

卷六

十一

廣長威聖無量神變功德不可稱限乃能容
受六十億垓在佛身而坐聽經見本聖之體
不增不減時金剛齊菩薩普察衆會而舉聲
舍以是之故當共知之如來至真等正覺身
則爲法身廣長無極無有相好而不方圓身
無邊際不可度量如來至真發意之頃欲令

三千大千世界諸有衆水大海江河川流泉
源國土州域叢林草木諸山土地悉入佛身
不增不減悉現如故又諸賢者諸無央數億
百千垓諸佛國土衆菩薩等若干萬數遙觀
世尊微妙光明相好清淨無有塵垢咸皆發
來欲見聖尊諮詢受經典悉爲天下勸諸天人

民釋梵四天王使蒙擁護令得自歸故往聽
經設不來者不見通變不能發心佛欲開化
度衆生故是以如來取諸菩薩著於身內而
聽受法不見罣礙無所疑難或有菩薩住於
地裏入寶校露而自省見坐於蓮華皆佛威
神入所感動道德高遠巍巍難量時諸菩薩
承佛聖旨及金剛齊至願威力六十億垓一
切同時皆從大聖毛孔中出稽首佛足右繞
七匝各以威德神足之力化微妙牀身處其
上於是金剛齊菩薩前白佛言唯然世尊無
言菩薩何故字無言佛言汝自以是問於正
士當爲汝說時金剛齊問無言曰仁族姓子

何故自号爲無言耶無言默然如是問三亦不答報時金剛齋復重問曰何故三問而不相答無言答曰我求此辭求不得處以是之故不相答耳又族姓子理不宜問於無言者用何以故而字無言計其無言則無辭說亦無音聲金剛齋又問設無有言今何以故口有所說無言答曰吾悉法效諸佛所說亦復效於衆生所語又問云何法於諸佛所說答曰如一切佛所講經法吾以意力承其威神亦復如之以是之故吾今悉法諸佛所說假其音聲而等文字無所毀壞演說經法是爲法於諸佛所說又問云何復效衆生之言答

釋

十二

曰隨一切人衆生之類音響言語而爲說法是爲效於一切衆生人民所言又問鄉族姓子失言以來爲幾何乎答曰從失心念以來又問族姓子此言何謂答曰以是之故不親心念亦非不樂心無所念口則無言又問族姓子言從何出爲從心出從身出乎答曰不

般六

十三

從身出亦不從心出所以者何身非常存不得自在在其心如幻以是之故不從身出亦不從心又問爲從何出答曰設欲問之所講言辭爲從何出爲從空出空無有色亦不可見今仁問吾爲何由平曰實因於空無見無像答曰是故族姓子言如虛空而不可見所問亦如其所言辭亦如虛空而不可見虛空如是求不可覩亦無有相以是之故求一切法及所言辭觀不可得如求言辭不可得者一切諸法寂塞憊憊怕論語音辭亦復如是一切諸法亦如人言忽不知處言如虛空無能見處一切諸法亦如虛空亦無處所所言辭者

因緣合成一切諸法亦從緣起推求諸法根原所在緣從何起而不可得其不可得則無所起便無所生又無所起則無所興其無所興者則無所發其無所發彼無眼跡亦無色跡亦無識跡亦無耳鼻口身意之跡亦無法跡無意識跡其無跡者無去無來無去來者

名曰獨步其獨步者則無所去於一切行而無所見當作是觀寧當觀見本所不見乎又問本何不見答曰不生不起又問云何不生不起答曰所不可察無有來者又問何謂所不可察無有來者答曰虛空不可見無有來者虛空平等一切諸法亦等如空以是之故諸法平等亦如虛空故曰不徧一切諸法等如虛空又問何謂諸法等如虛空答曰無有二故以用諸佛平等之故一切諸法究竟平等過去本等來本亦等中本亦等無有分別計此諸等以一切諸法本際如是如真本際無本本際如真本際如審本際無本本際等無有異是則名曰無有二際亦無若干何謂言二用計吾我則名曰二若不貪身不計吾我則無有二何謂有二有眼有色則名曰二耳聲鼻香舌味身更意法是名曰二取要言之若有計著一切諸法故名曰二從使有二亦不可得所以者何觀無所比得則無二亦

無言辭其法心意及所有識假使不修於此三事是名無二此之無二不當講說所以者何有所說者不離於二無有言者乃無有二又問所云無二誰爲造二答曰其無二者不可造二所以者何正使興發若干方便欲變無二使有二者終不可辯又問所說法律爲是二乎爲無二耶答曰其法律者無有二也堅固難移所以者何無言辭相亦無所御以無言說而開導之無能破壞不可毀缺用不可壞是故名曰堅固導御則無有二於是金剛齋菩薩前白佛言唯然世尊無言菩薩所可宣暢皆是慧明三昧勇猛之恩德也佛言汝所言皆慧明三昧之威恩也爾時執慧曜國土諸菩薩來者問於無言仁族姓子爲學何法辯才之慧巍巍無量乃如是乎無言答曰如佛所說一切諸法皆從戒立又復問曰惟族姓子寧可垂意顧愍我等分別敷演建立戒者答曰賢者其不住身不住口心是爲

立戒不住內外亦無中間是爲立戒若無思想無所惟念及與教令言辭之事是曰立戒無應不應無念不念亦無異念是曰立戒不住於善亦無不善不處於世亦不度世無在不在無害不害無漏不漏無爲不爲無生死無滅度此曰立戒假使建立如是比像住於戒者於一切法則無所住不住諸法不作是念吾有所說宣暢分別是故賢者是名曰戒有所說者則住於二其真本際及其住處乃至無本又法界處吾以住彼而有所論有所論者求不可得斯所語者亦無所念其所宣暢亦無所想又問族姓子其不可得無所念者及無所想有何言說答曰自然之數而不可獲亦無所念無有思想自然說之又問其所辭者誰爲說之答曰賢者吾所辭者即時滅盡亦無所生所以者何向者諸所講法皆歸於盡一切諸法悉無所生無所生法不可知處現在有形悉無有形不可得處所以者

何斯悉閑盡而無諸相其本際者無有言教故世尊曰不可想像取過去心當來現在亦復如之有起即滅碎散消盡卒暴易轉不可捉持形像何類彼欲取想著念虛僞倚受思想皆悉如幻是故推極一切所言悉虛無實其義無獲亦不可以有所講說不可口宣若心念矣所以者何無所造作亦無所行其有解識興趣此義則不復用口之言辭亦不以心有所念也有所宣暢分別說者猶如呼響音聲之報如化如來有所頒宣其人所講亦復如茲是爲諸佛及衆菩薩一切世人所可保義不可思議善權方便無能制止辯才之辭所建立法不可動移時諸菩薩讚無言曰善哉善哉族姓子使說斯言是入法門我等亦聞所歸於門實無有門等如虛空其佛世尊及諸菩薩現說如是五等所受亦復如此於是金剛齋菩薩問無言曰來族姓子俱共往至住於堅固金剛根世界見執慧曜如來至

卷六十五

真等正覺觀彼國土無言答曰又族姓子斯聞則是住於堅固金剛根世界執慧曜世尊亦復在此吾身何爲捨此就彼金剛齋問曰今此世界泥土所成非爲金剛無言答曰汝族姓子發意之頃越恒沙等諸佛國土通過鐵圍無所蔽礙爲能堪任取是佛土舉一土

塵不爾乃當知而此世界泥土所成無言菩薩尋聲則以金剛道場三昧正受應時於此三千大千世界自然化成甚大堅固不可傷毀悉爲金剛於是金剛齋作大威力興顯神變被大堅固戒德之鎧欲舉此地一土之塵而不能勝心自念言恆未曾有爲是大聖之所建立巍巍之變斯是無言之所感興前白佛言唯然世尊我者前時發心之頃通過鐵圍大鐵圍山越恒沙等諸佛國土今者欲舉於此土地一土之塵而不能勝惟天中天此誰威神之所興立是天中天慈恩聖旨爲是無言之所變動乎佛言無言菩薩之所建立

也所以者何無言菩薩金剛道場三昧正受使此三千大千世界甚大堅固不可毀缺悉成金剛若有菩薩住是三昧自恣其意欲變幾何諸佛國土悉成金剛輒如所志智慧聖心興顯道德以是三昧而以正受令諸佛土悉成金剛無能毀觸皆是三昧威神境界於

卷六
十六

是金剛齋及其所從六十億妓菩薩前白佛言菩薩行何法乃能逮得金剛道場三昧佛告族姓子菩薩有四法逮得於此金剛道場三昧何謂爲四一曰持志堅如金剛常懷道心超越一切諸功德本二曰性行具足無央數劫修治方便莊嚴大業三曰入於深法分別十二緣起之原四曰聖慧備悉無所缺漏是爲四復有四而自歡娛何謂爲四一曰超度慧德具足五通二曰空無相願一心脫門三昧正受心不戲逸而自娛樂三曰建立於戒而住法界所處無原成就慧明四曰究竟至誠如深之義曉了經義寂滅諸法靡所不

達復有四何謂爲四一曰遵于大哀修四梵行二曰奉行般若波羅蜜及六度無極三曰行善權方便三十有七道品之法四曰爲諸衆生修諸脫門及四聖諦是爲四復有四何謂爲四一曰身所造業猶如金剛二曰口之所言精微柔和亦如金剛三曰執心堅固不可動轉亦如金剛四曰志性秉毅不可毀壞是爲四法菩薩所行速疾逮是金剛道場三昧說是語時是諸菩薩尋即獲此金剛道場三昧於是無言菩薩自白其父師子將軍大人豈見諸佛與出德馨之稱威聖無量道慧高遠超絕無侶得未曾有難及難及如是比像不可譬喻前本所悲憶今悉現矣爲無央數衆生之類導示滅度至于大安惟願大人發於無上正真道意師子將軍報無言曰子當知之生七日後天來相命而見告語發大道意佛天中天道目所觀知我志操其心夙夜念於佛道無復異師發心可歸惟當歸命無

卷六

七

極大聖師子將軍及正夫人男女内外親屬五百群從皆發無上正真道意無言菩薩自報父母兄弟姊妹及其親族并大眾人仁者今日已發大意當精進行莊嚴道心即時間言何謂發意莊嚴道心無言答曰有四十事莊嚴道心何謂四十事至信佛道心不疑毀一喜樂於法而令久存二不慢聖衆恭敬謙遜三常習善友四見諸菩薩視之如佛五未曾懷害向於衆生六恭敬奉事尊長衆祐七等心愛憎八入法無狀九勤聽經典十聞趣尊習十爲他人說十無希冀心十一法無有師四所念如應十二奉行無本十三一切所愛而不珍惜十四奉順禁戒未曾缺漏十五宣暢分布忍辱之力十六所行精進靡所不周十七合集修習禪定一心一而順念于智慧之品十八以權方便開化衆生十九所可勸助未曾忘捨二十隨護群黎廿一自調其心降伏他意廿二於欲教授不著塵勞廿三常棄憤闊樂於寂靜供思處閑居

以爲德稱九修賢聖行而知節限十當行止
足不可動移卅在於俗法不與同塵卅而以
順從六堅之法三又不捨廢於四恩行卅而
常奉遵堅固志願五恒不毀失善德之本六
所學業者而不放逸七不樂小乘八道心無
動九篤信微妙志不怯弱捨一切惡無所犯
負皆悉具足一切功勳合集名稱無量福會
懷佩道法處於道場而不退轉十是爲丈夫
四十事行顯發一切諸通慧矣珍寶道心以
此功德而自莊嚴發意之頃三千大千佛之
境界所興德本悉現目前不復遠求譬如日
殿處於虛空靡所不曜師子將軍報其子曰
正士汝當數數往來念親相見因告示誠將
濟擁護今不退轉究竟無上正真之道無言
答曰大人欲知復有十法菩薩所行諸佛大
士所見常念何謂爲十恒行精進欲安衆生
不念己身獨獲大安身力堅強多所誘進見
羸弱人而以慰喻所造德本皆以放捨施一

一切人未曾懷憂所可化人勸發道者被大德
鎧而自誓願此諸衆生若得佛道受于正法
當以供養而奉事之然後我乃取最正覺用
正法故沒棄身命不捨正典宣暢分別一品
之義於百千劫流布一切被大德鎧不以懈
倦不懷怯弱一切諸法皆悉本淨設聞此言
不以恐懼不限大道不捨佛法不以爲空所
觀覩者適知不虛等於吾我亦等衆生已等
衆生則等於法以等經法則便信樂虛空平
等不墮止觀不復墮落生老病死惱患之纏
爲諸世間所見動轉無央數衆勤苦瑕穢諸
魔波旬所可興者來說衆難故諷誹謗佛道
難得經法難遇不如早求聲聞而速度矣菩
薩聞此堅持一心發無極志不以懈怠不退
不轉不捨大乘住於真正審諦之法言行相
應未曾虛妄身行至誠不欺己身諸天衆生
及十方佛是爲大人十法之事菩薩所行則
爲諸佛及諸正士所見常念說是語時師子

將軍及與眷屬尋時逮得柔順法忍小時出
尊告賢者阿難受是經法持諷誦讀具足廣
普爲他人說所以者何過去當來今諸佛大
聖道德所興皆出是法經典藏門無言菩薩
今來至此思惟真諦宣暢於斯無量法門勸
化無數一切人民令學佛道也是故阿難欲
奉過去當來現在諸佛世尊啓受法藏當奉
此經懷抱在心廣爲人說是法藏門發無央
數衆生人民使成佛道如來在世滅度之後
假使有人受此法者悉是佛旨建立所致持
諷誦讀行如上教佛語阿難則有三事福不
可量何謂爲三一曰將護正法二曰身知道
心三曰未發意者勸發道心是爲三功德之
福不可限量假使如來歎其功勳而不可盡
何況聲聞爾時會中有七億垓諸菩薩衆聞
佛所說皆從坐起欲護正法各各說言我等
輩類當共奉持世尊正典廣遠流布持此經
卷爲他人說勸發道意無言竟陞前白佛言

唯然世尊所可解暢逮正覺者彼法寧可受
取持乎佛言不也又問佛言以何等故諸族
姓子向者佛說此諸菩薩悉起住立欲護正
法佛言吾以將育諸族姓子故以是像欲有
所護彼無爲事不可得法而爲願宣因文字
教言護於法將順其意所言護者不以言問
不用文字而行道也是則名曰護於正法又
族姓子則有二事護於正法何謂爲二一日
不可得者乃逮正法所當擁護常將順之不
以所說而擁護也二日亦不將濟於諸處要
聞所說者即能奉行不以慢恣求於名稱是
爲二時諸菩薩欲供養佛無言菩薩及此經
典普兩天華散於佛上及諸菩薩周遍大會
口宣此言願令世尊釋迦文尼父在世間使
此經法自然流布遍闍浮利佛說如是無言
菩薩師子將軍與諸群從金剛齋菩薩及六
十億垓諸菩薩等舍利弗大目犍連阿難諸
天世人阿須倫聞佛所說莫不歡喜

無量童子經卷下

殷六

猷 音由道也。剛毅 下魚既反一訕 所晏所間
若 者下汝審反也 抑 懈音定舊其
僥 下古堯反也 錠 光 上音定舊
下尼力反也 捺 上正作鑑 一計反操七到
其

自在王菩薩經卷上

殷七

姚秦三藏法師鳩摩羅什譯

如是我聞一時佛在舍衛城祇陀樹林給孤獨園與大比丘衆二萬人俱諸菩薩摩訶薩皆是一生補處其名曰彌勒菩薩大勢至菩薩師子意菩薩師子相善薩大相善薩等如

是上首一萬人俱尔時世尊大眾圍遼恭敬供養為發大乘意衆生演說經典尔時衆中有菩薩名自在王從座而起偏袒右肩右膝著地合掌長跪白佛言世尊欲有所問若蒙聽許乃敢發言佛告自在王諸有所問佛無不聽隨意所問當為汝說今汝得解自在王

菩薩得蒙聽許喜悅無量白佛言世尊云何菩薩摩訶薩於大乘法中得自在行而能為人演說此法以自在力摧伏諸魔增上慢者及諸外道所有邪見諸貪著者令住大乘具足大願成就戒行得阿耨多羅三藐三菩提佛告自在王菩薩善哉善哉汝能問佛是義